

奉化縣志

卷十四

奉化縣志卷十四

知縣

汶上曹

含山唐宇霖

重修



安慶桐城陳

琦編輯

教諭錢塘汪文濠校正

古蹟志

古蹟有志非徒侈博雅也一以存名賢一以著興廢而已夫宇宙一蘧廬滄桑為俄頃吳宮花草越水烟雲久與劫灰俱燼惟是名賢遺澤曠

奉化縣志

卷十四

古蹟志

古蹟

一

世相感有令人悄然以悲慨然而賦者後之視今不猶今之視昔哉邑雖僻處山陬自秦漢以還代有勝跡父老猶能指其處蓋與鑿空附會者不同矣他若郭令之宅鄭公之鄉與夫雙闕烏頭朝有旌廬之典穹碑巍碣史書詔葬之文皆足令人矜式未可輕畧且烏知夫百世後之不詫為奇聞異跡摩娑憑弔而援以增此邦之重哉故列古跡於前而以宅里坊表塚墓附之亦從其類焉耳志古蹟

黃甘嶺 昔黃公嘗過此飲水而甘故名

鎮亭 見漢書地理志

六詔嶺 晉王右軍嘗隱居于此六詔不起故名

句章 明州有兩句章城舊本在甬山之南宋武帝

平孫恩改築於甬山之北甬山之南者今爲奉化

縣句章里甬山之北者今爲鄞縣句章鄉詳見句

章令孔休原碑唐魏紆鄞縣圖經以爲孫恩所築

非也

句章縣 本越王句踐勝吳之日築城以章大之故

奉化縣志

卷十四

古蹟志

古蹟

一一

爲是名其地今在奉化境之北

鄞城 舊址有城郭狀在今鄞城山近山有古城隍

廟又徧地甃結古壙纍纍皆是墾闢者多偶見之

又有甕器古甕盃脫盆槃堆塚成山掘三四尺廣

延二三里皆是也不知何代置縣又不知何代開

窰故老無傳典籍莫考蓋唐分鄞置縣之前雖有

唐縣令趙察開白杜河事蹟並無一處著及也

剡源九曲溪 一曲曰六詔有晉王右軍祠二曲曰

驛駐有吳越錢王祠三曲曰兩湖右石壁曰小盤

谷四曲曰相溪有淨慈寺五曲曰三石有丹山赤
水洞天永固寺六曲曰芽渚有上乘寺七曲曰斑
溪有報本寺八曲曰高輿有雪竇寺九曲曰公棠
孫綽植棠于此金華戴九靈剡源九曲圖記奉化
陳君子經圖其剡源之境屬予而敘以書曰奉化
之西六十里有山夾溪而出蒼然深茂者剡源山
也謂之剡源者以其近越之剡縣名之也剡源之
中有水蜿蜒若白虹西來益折而東流者嵩溪也
嵩溪蓋剡源之支流也剡源之溪以曲數者凡九

奉化縣志

卷十四

古蹟志

古蹟

三

其第二曲而爲蹕駐者吾七世祖宋殿中監公當
五代時以文學行義潛焉吳越忠懿王親往顧之
故以是名也自蹕駐東迤北匯爲兩湖湖有大石
離立不可名狀去石數百步有潭甚清洌魚百許
頭可數所謂小五盤谷也又北東而爲蓮葉峯三
石溪皆幽麗可觀至第五曲則其境尤勝大抵異
石最多岬然洼然若堙若穴而穹然若室其大可
坐數十人上有丹霞二字隱隱如硃書有洞窈然
入之甚寒問其深則雖好游者不能窮也謂之丹

山赤水之天也而赤水不常有也此蓋吾六世祖
隆國文簡公之所居也又東折至六曲而爲茅渚
則吾始祖奉化公居之公於唐末自長安使吳越
遭亂不能還錢氏留爲奉化尉故居之也又北東
而爲斑溪水會又北流爲高輿又東流爲公棠而
入爲鄞于是九曲之溪始盡也然九曲之溪與羣
山交絡且百里其間土地入吾族之籍者什常八
九也吾之世居於此者亦既有山可樵有水可漁
而又有宅可以桑麻有田可以稼穡有山可以筍

奉化縣志

卷十四

古蹟志

古蹟

四

如此吾之所以樂於處而自遂也吾少而安焉及
壯而從事四方今又出應方面之聘當事物紛沮
世故之艱難則未嘗不思退于此以自休也子幸
爲我記之使我後之人有以知吾之志也余惟陳
氏自奉化公始居剡源迄今四百餘年矣其子孫
出而以廉謹名者殆不可以數計其處而以節義
禮讓自守者亦累累焉此古山川秀氣之所鍾而
其先世之遺澤要不可誣也蓋其先世之居於此
也凡居處之樂衣冠之奉一無待於外而自足使

其子孫在官無內顧之憂在家無不給之患行義求志無施而不可故其出者皆有廉謹之名處者皆有節義禮讓之行至于今不絕也然則子經之未出也則樂於處以自遂其既出也則志乎退以自休而於出處之際從容如此者豈非先世之澤乎庸因作記而具道之如此

相見滙

縣西南五十里溪上盤曲鑿山腹爲路繚繞環合久之尙相見其山巖石聳峻若有篆刻爲溪流所滄旱時父老見之莫知何等語世傳神仙

奉化縣志

卷十四

古蹟志

古蹟

五

所題

孫公棠

縣西三十五里晉孫興公遊四明山得棠

一本植於此故名唐文德元年置高公塘認棠作塘訛也

梨洲

卽四明山之西峯四明山記云晉孫興公遊

此見澗邊有梨實左右環視莫見人跡時意以仙物云故名

響石坪

元戴表元詩蒼茫一片莓苔地隨意觸來

還有聲定是戰坑餘箭戟不然琴屋貯瓶罌名真

過客多能記跡古居人不敢耕孫叟有靈應索笑
賦成曾此試琮崢

降渚 昔有星竇海濱化爲石而光潔故呼其地曰
降渚俗訛爲降阻非

舍墟村 縣東北一十里屬第三都押司錄事譙國
樓承皓故宅世稱舍墟村裏詩書澤畫錦坊中柱
石家

計然村 皇覽計然塚在句章縣東一十里奉化縣
北有計然村今莫詳其處

奉化縣志

卷十四

古蹟志

古蹟

六

鹿亭 丹山洞天圖咏集梁隱者孔祐居昇仙祠側
有鹿中矢來投祐爲收豢而去因建鹿亭陸龜蒙
鹿亭詩鹿亭巖下置時領白麕過草細眠應久泉
清飲自多認聲來月塢尋跡到烟蘿早晚吞金液
還將上綺河

雲南村 雲笈七籤四明洞天治丹山赤水莊會稽
故云山中有雲二十里人皆家雲之南北每往來
謂之過雲今雲南村是也

桃花坑 隱士竺汝舟與太白禪師往來雷偈云昔

是神仙宅今爲長者居

金鐘墩 縣北一十里大溪之間其墩絕小樹木頗茂雖山泉奔突而墩無所損或傳昔錢氏戴大金鐘過此沉焉歷數百載不爲水所盪

葫蘆塘 後塘磯又名漆家磯坐下鶴橋菴後至江口堰灌金谿鄉三十一都等田

龍津館 宋朱考亭提舉浙東常平循行台溫郡泊舟龍津長吏率諸生講學之所

廣平書塾 宋文靖舒先生與慈谿文元楊先生定奉化縣志

卷十四

古蹟志

古蹟

七

海端憲沈先生講學于此故奉化鄉賢祠文元公端憲公亦祀焉其後太學博士舒津亦講學於此

留耕堂 宋舒岳祥記鄞之南邑有山曰連山則山之

繇巨聯絡可想也山之塢名大萬竹則竹之陰

森深密可知也漢鎮亭見史記今連山其地也大萬者鉅萬也鉅萬亦漢人語也漢人居是地是以

得是名也至今民俗淳厚猶有漢之遺風宋承平時隱君子王肖翁居之於所居之西偏開軒鑿池環之以水扁曰肖華胥因以自號暇日游息其中

領客觴咏翛然自得袍褐往來魚鳥同趣子弟娛
侍未嘗不以前言往行爲訓至唐賀水部有但存
方寸地留與子孫耕之句行坐咀嚼口津津也旣
老傳政于肯堂畱耕能養志服勞夷險一致不以
累翁翁以壽考令終世所謂吉人長者斯其人與
丙子兵火華胥之軒巋然無恙人咸嘆異曰肖翁
之方寸於此存矣方禁擾未定斯軒子立畱耕泣
曰斯吾先君子逸老之地幸不燬於煨燼忍見其
飄搖於風雨乎乃折徙故材寘之深穩越己卯別

奉化縣志

卷十四

古蹟志

古蹟

八

作新堂於山之陽高廣有加焉轉步改觀溪山環
合花木隱映書庋琴牀雅玩整列俎豆賓友簪履
徜徉牲牢獻享進退有度峩冠頎然不改常矩慢
胥悍卒帖爾聽命里閭恬熙賴以清安人問何道
而然曰吾仗此方寸而已扁斯堂曰畱耕乃翁存
之其子畱之存之者不已畱之者其無窮乎乃於
斯堂之東取華胥之材結構如舊藻飾彌新存其
馨咳若有聞焉存其典型若有見焉扁曰存古存
古者所以存華胥之軒也曰非也所以存華胥之

心也按華胥之事出列子寓言云其國在弇州之南台州之北自昔分畫惟九州無弇台也故讀者目之爲玄虛之境堯建萬國至商周之際猶千八百國若華胥者豈勝數耶二州者一渚也後以台爲郡蓋亦因列子而有是名也台本仙佛國如石橋方廣院徑桃源遺跡猶存以台北推之華胥之國正在連山之鄉古書無州字凡州皆以水爲界以四海爲一大州此釋氏所謂南瞻部州也分爲九州各爲一州又析爲州鄉之州又析爲州縣之

奉化縣志

卷十四

古蹟志

古蹟

九

州列子所謂弇台二州乃二州渚也剡中沃洲諸名山各州不一余謂華胥正在台州之北非連山萬竹之地乎肖翁之命名有旨哉余欲爲畱耕故存古爲存華胥未知其可乎否也肖翁諱應辰字畱耕名子震字震字伯起世連山人大德改元脩楔日撰

朝暉軒 縣西十里趙孟頫戴表元黃潛聚講之所
凡戴黃有作趙書之時稱三絕今爲法華寺
鮎埼亭 卽戰埼鎮字之訛也又有鮎埼寨宋嘉泰

中置監官領土軍五十鎮守監官廳置在溧溪寨
置在袁村蓋軍房天王堂射亭巡檢廨廳等屋當
時甚多事詳見寶慶志元至元中燬

節慶堂 宋紹定間馬武錄字國勳由賢材舉授婺
州學諭方任而卒妻陳氏守節訓孤曰元洪業儒
不就祿薦奉母至孝當時母子得以節孝稱楮祥
符縣尉校梓俱太學生曾立二十四人壽踰一百
儒學副提舉陳旅以事聞於朝旌異其門額堂為
節慶學士趙汝淇撰記

奉化縣志 卷十四 古蹟志 十

來青樓 縣北三里三台山下隱士宋起潛所居方
正學為之記

清茂軒 縣西南四十五里毛雲鄉所居戴剡源有
記

五桂堂 趙師簡兄弟五人俱進士人號其居曰五
桂堂

質野堂 剡源先生築室於山麓間號質野堂自號
質野翁

景賢堂 景賢堂壁記奉化縣學舊有鄉賢三先生

四忠節祠又有縣令去思之祠屋雖壞於風雨旣久而名則載於縣志可考三先生者楊文元公簡舒文靖公璘沈端憲公煥皆宋時人或位於朝或教於鄉道德文章顯著當時沒後賜諡是有足爲後人景慕而師法者也四節則曹孝先吳從龍郭德暢三人在宋紹定時從將師許國討李全力戰而死於難舒瀛亦同時在衢州西安縣尉禦賊捐軀而死宋相家鉉翁撰祠堂記並以忠節著稱是有足爲戰陳無勇臨難偷生者之勸祠於鄉校不

奉化縣志

卷十四

古蹟志

古蹟

十一

亦宜乎前代縣令之有祠者不能盡復近惟玉山周公銓修學之功蹟甚大炤灼見存養民之惠愛甚多思久弗替况其公廉之節始終不變至爲御史爲按察使皆九載致事歸老矣無以爲家是實又足以爲士君子取法立心致身從事於國之勸也天順初教諭姑蘇成君矩立公生祠然不專一未久卽踣公之牌位贅依土地見者莫不愕然咨嗟嘆息令曹侯瀾知縣事政成餘裕修展廟學更新戟門講堂增搆齋舍繼興周公去後五十餘年

將墜之蹟而規制有大於前功益茂哉舊有參前
亭在戟門外侯遷置於踣祠之址未知所用既而
考績入朝適刑部主事宋旭景陽使還卽奉周公
牌位奠安於此視爲縣叢曹侯今秩通滿將去諸
生咸請并復三先生四忠節列牌以安神位增入
本堂剡源松鄉三先生之有著述可以配於前賢
者又縣令周公因宋公晉之創始遷學新廟之功
見存者總名之曰景賢堂侯卽諾成之飾其墻垣
固其扁鑰斯見畢其一簣之遺功完美修學之盛

奉化縣志

卷十四

古蹟志

古蹟

十三

事是用紀成於壁以堦大手立碑者采焉

參前亭

在學宮之內太學博士陳著記襄賁丁君

濟尹奉化以學校爲第一義葺舊營新倥偬問顧

謂學前有池中可亭藏脩者可游息然學宮漸完

邑之士協相居多此役又將誰賴壬辰四月朔揖

而謀諸長明善齋汪日賓諾而退鳩工飭材是月

亡卯亭成扁以參前尹意則有在也人之爲學所

學何事亦惟言必有物行必有恆而忠信篤敬爲

本吾夫子告子張以此且申以參前之語今余於

諸生宮以居之又爲此亭蓋欲其優游涵泳樂其所以學然虛閒之地虛則易放閒則易怠因摘二字以警子張爲聖門高弟猶書諸紳諸生自視子張爲何如登斯亭也翼翼然常若在日庶乎久而安安而化不自知其在忠信篤敬之中而言行爲有成否則妄而已如扁何彼南山瀉翠平野輪秀風清日美蓮淨植而芹藻香天高地下鳶之飛魚之躍各有攸適不物於物何見非理何著非誠亦足以暢吾心而融吾性若山陰之叙情零陵之燕

奉化縣志

卷十四

古蹟志

古蹟

三

好雲龍山人之鼓琴放鶴則非各亭本意諸生領已進而曰昔子張書紳止於一已此以各亭則與諸生共所以表章夫子之訓淑後學大矣敢以記請尹退然不自居曰於余奚記爲特成余之心者是可嘉蓋有以勸後時著因賀成適至辱使之書辭以毫不獲姑筆其實使來者知尹之用心而用力又有若而人將有以日葺爲事而斯亭爲學者助百世一日也

覺後亭

在學宮之內太學進士陳榮龍記孟子稱

伊尹自任以天下之道其言曰天之生斯民也使
先知覺後知使先覺覺後覺予天民之先覺者也
予將以斯道覺斯民者嗟乎大哉此聖人公天下
之心也蓋嘗因斯言而求之易太傳曰一陰一陽
之謂道繼之者善也成之者性也仁者見之之謂
仁知者見之之謂知夫不有所見無覺也人之能
隨人所見而爲覺者得之於心非度數可傳非言
語可詔莫親於父子而子不能受之其父莫嚴於
君臣而臣不能獻之其君然聖人必欲以是公之

奉化縣志

卷十四

古蹟志

古蹟

古

天下無他焉蓋吾能以是道爲天下之先覺非天
私予於我者也吾固不得而私之及其覺夫人也
初非損吾所有以予之亦惟以吾之所以覺而覺
其未覺者耳君子用心固當如此而淺之爲丈夫
者則不然老子曰善行可以市又曰不善者善人
之資以人之不善爲資而求以市吾善善未恐其
不在已而不善惟恐其不在人是固閭巷賈販爲
利者之爲甯足語吾聖人之道哉余竊陋之適吾
邑大夫丁侯旣大脩學宮而又作亭於講室之後

扁之曰覺後固已慨然有觸於吾心者書來請爲
記曰是役也主簿周侯之來實經始羨地而爲之
吾甚嘉周侯之能成吾意也余發書知二侯相成
之美而私心之所陋者益可以自廣矣夫有志於
任天下之道自一命而至於天子自一藝而至於
聖人所治雖有廣狹所致雖有淺深求其用心則
一而已吾邑自晉唐至宋數百年代著文獻吾黨
之士凡得以衣冠自貴於郊毗之版者斯國家教
養之恩而先生長者詩書禮樂之餘澤也使後之

奉化縣志

卷十四

古蹟志

古蹟

五

視今猶今之視昔若能益推先生長者之意淑其
後人擴其獨善而爲兼善充其成已而爲成物使
生者教於塾歿者祭於社熾其風聲善其氣習異
時有能極生民太平萬世自任以天下者將有取
焉豈非二侯所望於吾黨者哉故不辭而爲之記
丁侯之有德于吾邑之士民若夫有功于學者其
事皆有作者記之矣茲不復紀周侯名信濟南人
有幹濟材是宜書至元癸巳春二月旣望

清斯亭

成化四明郡志在奉化縣治得初堂後王

應鱗重脩奉化縣治記廳事東西吾名以節愛清
安兩廡翼焉各以一清四畏堂曰得初以息以燕
亭曰清斯有沼有荷挹爽西山扁以高清殖殖其
楹轍轍其門粲然一新曷敢視官舍爲遞傳而忘
厥事

烏峯亭

李濂遊雪竇記在日嶺上烏峯日嶺別名

御書亭

甯波府志在雪竇藏宋理宗應夢名山四

字

妙高臺

在雪竇山之妙高峯明黃潛詩偶爲清遊

奉化縣志

卷十四

古蹟志

古蹟

六

宿梵宮凌晨試上最高峯水翻雪色寒猶落雲掩
丹光遠更重舊有一僧能跨虎近聞三洞盡藏龍
下方車馬應難到烟際惟聞日暮鐘

偃蓋亭

宋梅堯臣詩既將茅覆簷復有松爲蓋五

隱秀亭

宋劉侏詩一重一崦一峩嶷隱秀寒華次

里入山時憇此得寒瀨曾無康樂遊但見雲衲會
第高借得笋輿輕似艇晚風十里汎松濤

飛雪亭

妙峯亭 漱玉亭 輿地紀勝奉化雪竇

山有瀑布上下有三亭丹碧照耀飛簷鱗鱗蔚在

青嶂間晨霞暮靄遮露萬狀尤爲勝概戴表元飛雪亭詩匡廬亦有千尋瀑無此凌虛翠玉臺身傍老松天上立眼看飛鳥雪中來山神禁肅難投唾木客魂清得浣埃見說下巖堪對望道人臨壑剪蒿萊

琅玕亭

延佑四明志在奉化館羣山繞之

枯桐坑

孝子陳敬年十三隨父入山樵採虎攫其

父敬卽攘臂奮擊之虎舍其父攫敬而去父尸獲全而食敬于青桐樹下血洒沾樹樹爲之枯故名

奉化縣志

卷十四

古蹟志

古蹟

七

其地爲枯桐坑

還舟渚

明周銓爲邑令在任六年召爲監察御史

去之日自造船至張家灣給船夫門隸路費命駕還繫迎恩亭下民稱其處曰還舟渚明汪綸詩明公遺愛一孤舟橫絕頽波此繫留淨渚正臨傷別館危檣空倚望中樓山疑峴首碑常在江與錢青合流昭代宜登循吏傳民謠應得史官修

繼志堂

明方孝孺記負高世之器者當任舉世之責才足以高天下而不以天下爲心知道者不忍

爲也天之生斯人也其才之相遠若兼葦之于枯
柏優劣大小不可以數計隴畝之人不能處其身
鄉黨自好之徒不能知一國之俗而吾獨幸而會
天地之全達性命之中通事物之理傑然超乎眾
人之上前乎千載者將俟予以爲章後乎斯世者
將資吾以爲準而與吾同倫共域之民非吾則無
所恃以自立苟不思爲之計而恤恤焉私利其身
安在其能過于眾人也哉是以聖賢豪傑之居乎
世不憂其躬之饑寒而憂四海之不治不憂聲譽

奉化縣志

卷十四

古蹟志

古蹟

六

之不著而憂斯道之弗明劬形憊神務以其身殉
天下而不以天下殉其身此孔孟之學所以異乎
異端曲士偏談自私之教而非楊墨佛老之所能
及也昔宋乾道淳熙之間子朱子倡孔孟之道以
開學者天下和之者甚眾而陸文安公子靜獨以
其所自得出乎其間與之相角聞其說者或疑其
高遠而難繼然嘗誦其言以爲宇宙內事皆吾事
也卓哉言乎是豈剿說竊取而爲此言也乎其道
之所至雖未必皆合於聖賢而斯言則聖賢不能

易也自朱子之沒聖賢之迹不復見于世爲士者志卑而日下舍利祿名譽無所存其心竊觀其爲而哀之曰明舒君彥高作講學之堂以教其子孫而名之曰繼志問其所慕則其祖文靖公璘而文靖公則陸公之門人也因陸公之言而推其志是豈苟以儒學自名者乎率是以爲君則可俾宇宙內無失所之物率是以爲臣則可俾當世無不善之政雖不獲見知於時以行其道然其所至事功輒赫赫較著其志亦從可概見矣然則文靖之學

奉化縣志

卷十四

古蹟志

古蹟

九

意彥高欲起而繼之者甯不在茲乎由聖賢之事考之善繼堯舜禹湯文武之志者莫大於孔子繼孔子者莫如孟子嗣其後而承之者未嘗絕也其人未必出於一家其生未必並於一時其學未必同乎一師而其志之所存相去不踰毫髮蓋道之本乎心者不能不同也居今之世有能修聖賢之業以天下自任居則淑其鄉邦仕則行乎政教豈非賢者所望於將來者乎苟舍所當繼而以利祿華寵爲學術之極致此世俗之陋也固非文靖之

志亦非予所望於賢者之子孫也

省方亭

〔餘姚錢德洪記〕奉川四山羅延巋然獨中

峙者錦屏山也盤旋井落之間邑治負焉余昔遊天姆華頂嘗道其境環覩層巒疊嶠渺天際目殊不可窮狀及一登錦屏之巔不藉車輿陟涉四顧之下諸勝攢萃坐可俯而有也歲嘉靖丁酉縣尹錢君竹梧報政之五年民人浹和政治休暇每退食其與邑中之賢達者與賢達之遊寓邑中者偕登錦屏徘徊瞻眺道論古今咨諏政治得失百姓

奉化縣志

卷十四

古蹟志

古蹟

三

喜公車出老稚擁觀隘巷壯者附趨後先或爭持酒醪舖菓以輔歡劇一日與吾友俞子思齋邑劇翁子愧崖酒酣而樂顧二子曰是山當諸勝之萃是巔又當茲山之萃不有名亭曷羨嘉境乃命工柱石而亭之請二子各二子曰君出遊而民樂君遊樂而治益進是遊無非事者請以省方各亭如何君曰諾於是二子以書請予記其事緒山子曰古者天子巡行方嶽諸侯會朝燕聘憑軾結鞞車轂之聲軋於道而民不稱病文王以民力爲臺爲

沼康矢歌音於卷阿裨謚謀政在野子賤寄興於
琴是何政治之暇且豫也後世規規於纏繳之中
身勞於事智竭於謀然而畧涉迹于山水觀遊則
百姓競胥怨詛執法者從而議其後矣是何古今
之不相及也豈論治者未及其端耶是故治天下
者如治絲繹其端毋撓其亂焉已矣古今之善爲
治者正其身而教存順其時而事存因其俗而化
存繹其端也故治常逸吾聞竹梧之治奉川也潔
已以廉示民之無欲也惠下以勤示民之無倦也

奉化縣志

卷十四

古蹟志

古蹟

廿

事上以正示民之不援也接士以禮示民之有敬
也宜其治益久政益暇日嶺隱潭雪竇諸各勝踪
迹所到風物具存下不以爲病上不以爲疑政最
日聞於上誦聲交作於下其庶幾古之逸道者乎
是不可以無記愧崖各桂閩人思齋各大本與余
同邑俱已應聘南宮竹梧名璠海虞人其先與余
俱出吳越武肅後云

挹秀樓

餘姚俞大本記

奉川錢侯蒞邑年久政通

民和百廢具興間及山澤亦有剝葺去邑十里有

山爲日嶺爲夫人石四周無依挺挺壁立上千層
霄下可寬二畝許遐觀之若作人狀俗遂以名下
復爲夫人祠尸之然但以爲里人禱祈祀祝之所
而英奇騷逸登茲祠者不獲挹見茲石之秀則又
不能無悵惘瞻跂之意侯偕客至則興歎曰此豈
非邑人之闕典也與哉爰命工治材爲樓三間闢
之以窻使人凭欄仰窺而茲石秀狀矗矗在目因
題爲挹秀樓時余適觀厥成侯卽以記屬夫令尹
吏有邑土則一方之山川皆其主之則夫攄靈呈

奉化縣志

卷十四

古蹟志

古蹟

三

秘搜奇耀幽以公於民人者固其職分之事但惟
志隘則得失爲重或避作興之嫌而才力不給者
戴星竭膏又且纏束於簿書期會之繁夫何及此
也然則於茲舉也固足以徵侯之志之才而亦以
知侯之教民者深也是故挹其中立可以不仆然
而民知強矣挹其孤特可以不羣然而民知廉矣
挹其銳穎可以不厲然而民知養矣神道設教此
或其一端歟然則茲樓也又豈徒以資遊觀從逸
樂者乎哉爰爲志其實如右若夫費捐祿資役不

妨農則自侯之創葺皆然不必書也侯名璠字國用號竹梧爲蘇之常熟人云

宜晚堂

貝瓊記

越大姓江濬遠氏世居奉化之黃

甘里地勢斗絕四山環拱而南平一峯嶄然特起狀類玉几上可坐數百人下有東西兩溪合流之長溪折而入于鄞江又有日峯峙其左剡水紆其右蓋四明形勝之一濬遠又據其勝焉六世祖某宋保義郎子怡齋由太學上舍試補臨安教授至濬遠克世其學蚤受知中朝士大夫舉秀才歷官

奉化縣志

卷十四

古蹟志

古蹟

三

至福建行省照磨尋升檢校官以憂家居而代葺勢殊矣因葺舊廬中奧之堂題曰宜晚日肆意圖書而不復出矣介趙公木仲來求記乃爲之說曰山之秀也宜日之晚木之茂也宜歲之晚人之守也宜時之晚日之晚因異乎且矣歲之晚固異乎春矣時之晚固異乎少壯矣而以爲宜者何也山晚而益佳木晚而益堅人亦晚而益智豈不宜乎初濬遠汲汲於一試涉大江走長淮上太行觀黃河風波之險阻冰雪之慘栗未嘗憚其勞苦焉是

亦宜也二十年中變故多而形貌改思慮深而血
氣衰回視向之銳於進者孰與鈍之久榮於前者
孰與困之全於是盤桓林壑之間嘯傲風埃之表
元爲宜也夫退休之跡見於春秋方盛之時則怠
而馳騁四方之志施於既耄欲與新進爭前則暗
濬遠者視彼溺於利祿顛仆不止之徒相去奚翅
千萬乎由是觀之山也木也與乎人也不病乎晚
而尤宜乎晚如此使其悼縣車之景促痛凋落之
將及以爲非人之所宜者惡知進退存亡之道哉

奉化縣志

卷十四

古蹟志

古蹟

古

此予嘉其爲人樂書而記之

大觀堂

〔明張時徹記〕項大夫減峯先生治第于縣

署之東南負坎而面離靈和蓄結土壤夷曠門堂
寢室賓館師塾罔不匡飾各其堂曰大觀乃奉其
尊人三峯公燕息其中稱觴戲綵歌南山之詩上
千百歲壽賓至設俎張筵吹竹彈絲以爲娛愉愉
如也客進而請曰堂各大觀其義云何大夫曰吾
以志吾遇耳斤鸚狎枋榆而鷓鴣翔于寥廓鶴鳴
九皋而昆虫蟄于坏戶性各有所安也蒙士以環

堵爲迹而達人以六合爲隘智故有不齊也余不
敏幸邁熙隆之運策各天朝行役于四方都邑碁
布川谷星羅諸不可殫述乃若金門天闕之崇高
青城紫宮之窈窕山若岱岳太行水若龍門滄海
凡稱奇載志擅雄寰宇者罔不一一而寓目焉每
一記憶慙慙如睹斯不謂之大觀乎惟是隘陋之
居雖僻在一隅而山川盤礴足展舒眺高臺曲池
芳林綺榭錯列于左右者如拱如抱不啻鳳翥而
鸞騫也景而仰之則橫山陳其前曲澗經其側文

奉化縣志

卷十四

古蹟志

古蹟

壹

峯玉几抹翠流朱掩映於睇睠者無算又前則蓬
島捱峙複嶺重岡繚繞縣亘而安巖翠峯石樓赤
雲相與獻媚而爭妍又前則三山九峯鮎埼星嶼
各擅天設之巧而占烟霞之魁其間天門突起迥
絕塵區列岫排空虹橋亞海蓋樵牧之鮮經而神
仙之所都也居是堂也青陽布澤天宇晶明繁花
雜樹吐藻舒英朱明應節則薰風於玉沼揚清谷
響與禽聲互答秋高景肅野曠天空皓月耀靈星
河入戶入冬則落葉飛丹積素凝白瓊瑤施於疊

嶂珠璣燦于長林斯亦天下之美麗也吾得兼而有之不出几席之間而坐收六合之勝于以蕩滌喧囂怡神昭曠豈若炫金谷之富而侈輞川之奇者哉客聞而告余請繹其說余曰子知大觀之義乎牖室則光容不入鑑垢則好醜不章况足以議於大庭之外乎故君子非無目之患而不能視遠之患易箴蔀家孔戒牆面其爲訓一也故屏斥嗜慾所以凝神也放遠邪辟所以定志也誦法古人所以廣智也夫是以養之方寸而有餘放之六合

奉化縣志

卷十四

古蹟志

古蹟

其

而不礙囊括宇宙上下今古而天下之能事畢矣是之爲大觀非大夫所以名堂之義乎客曰唯唯請持以効斯干之祝大夫以明經起家甲辰進士所至綽有政聲仕爲山西副使引身而退論者以不竟猷幹惜之代以儒術亢宗稱世德云嘉靖庚申歲春三月書

宅里

在昔荀氏之高陽里裴公之綠野堂今皆

舉其名而不忘其人鄭公之第後人贖之汾陽之宅過者興思康節之館榜三月而人不忍市豈非

名賢所居流芳故址不可泯焉者乎

〔漢〕黃公里 在黃賢村今莫詳其居宋林逋亦其里人也後隱于杭之西湖明汪綸黃賢詩黃公採芝商洛去海上孤村倚舊遊晦跡已終秦二世潔身不入漢諸侯青山窈窕雲長在綠樹逶迤路轉幽此地更聞林處士清風高節繼前脩

〔唐〕謝遺塵居 在大雷之下見戴表元集之青茂軒

記

孫拾遺宅 縣東北五里孫郃所居其孫名沔者

奉化縣志

卷十四

古蹟志

宅里

七

爲宋名臣謚威敏宅今廢爲淨惠寺

杜中丞宅 縣北二十五里中丞名勝先東陽人

唐長慶間爲御史中丞卜居縣之招賢墟卽今

杜坂

〔宋〕趙王府 縣東一里宋爲宗室建元改爲三皇廟明爲布政司今廢

樓正議宅 縣東一里正議大夫樓郁所居今廢爲告成寺或云樓氏世居舍墟村其後鑰遷於

鄞

舒文靖公宅

縣東五里在廣平里公名璘子孫

即所居之旁創廣平書院

舒忠節公宅

縣東五里集賢坊公名瀛

蔣光祿宅

縣北十里三嶺村宋金紫光祿大夫

蔣浚明所居

王怡齋宅

縣東二里東市王宗道所居別號怡

齋乃王時叙之子今名雙桂坊

仇開國伯第

縣北五里公諱愈在沙堰所居之

旁立善塘廟

奉化縣志

卷十四

古蹟志

宅里

七

王甲第宅

縣南五十里公名漢英在鮎埼有甲

魁坊

萬竹先生廬

縣西南七十里萬竹村先生高元

之所居

李元白宅

縣北二十五里江口村內有筆華堂

王奕宅

在長壽鄉

陳秘監宅

縣西六十里三石村陳著所居

曹承直郎宅

三石村曹孝先所居

元

戴剡源宅

縣西七十里柏坑戴表元所居

松鄉先生宅

縣南五十里鮎埼村任士林居

江濬遠宅

縣西三十里棠溪村有宜晚堂

陳孝子居

縣西一十里枯桐坑名敬事詳孝子

傳

明戴探花宅

縣東一百步戴德彝居今為察院司

宋侍郎宅

縣北三里北山村宋琰所居

宋長史宅

縣北三里三台山宋佳所居

陳侍御宅

縣北二里牌亭山下陳璘所居

竺忠節宅

縣北三十里徒竺村竺淵所居

奉化縣志

卷十四

古蹟志

宅里

芑

王尙書宅

縣西南七十里大萬竹村王鈞所居

項侍御宅

縣東南二百步項懔所居

戴通政宅

縣西一百步戴環所居

王侍御宅

縣西二百步王杏所居

孫學憲宅

縣東三百步孫際可所居

戴吏部宅

縣北一十里萬家河戴澳所居

鄔太守宅

縣東二十里亭山鄔元會所居

孫工部宅

縣北二十里孫能傳所居

鄔叅政宅

縣北四十里鄔鳴雷所居

翠屏山 縣西四十里山左接九曲右拱四明若
錦屏高展秀麗萬狀唐貞元中右相樊澤致仕
卜居築堤其下故地又名沙堤樊氏子孫世居
此焉

廣平鄉 唐奉化令宋嗣宗廣平文貞公瓌之曾
孫因梁移唐祚耻臣二姓遂掛冠居邑東斗門
不忘其祖故各其鄉曰廣平鄉并各其湖曰廣
平湖

舍墟村 縣東北一十里第三都押司錄事樵國
奉化縣志  卷十四 古蹟志 宅里 三

樓承皓故宅故詩云舍墟村裏詩書澤畫錦坊
中石柱家 正議郁 太師常 楚國公昇
克國公瓌 宣獻魏國公鑰 已上五世皆及
葬奉化

馬魯 在縣西北十五里因廣平馬氏列墓而名
坊表 坊表即古棹楔所以表宅里以樹風聲也
通德之門履道之居固稱至美若夫懿賢紀績
科第旌榮其亦足以昭來許垂不朽乎

尚書坊 縣南十步嘉靖間爲王鈞立

嘉會坊 縣南二十步今廢

凌雲坊 縣南四十步永樂間為舉人程完義立

承芳坊 縣南五十步天順間為舉人程楷立

進士坊 縣南三十步正統間為進士田玘立

明德坊 縣南十步正德間縣令周銓為左拾遺戴

德彝立

錦衣坊 縣南四十步嘉靖間為千戶王鏐立

傳桂坊 縣西四十步宣德間為舉人王樸立

繡衣坊 縣西五十步景泰間為御史王子沂立

奉化縣志 卷十四 古蹟志 坊表

三

桂林坊 縣西五十步景泰間為舉人王珂立

澄清坊 縣東二十步今廢

進士坊 縣東五十步永樂間為嚴貞立

冠英坊 今為大方伯縣東八十步天順間為嚴貞

立

世進士坊 縣東九十步嘉靖間為御史項懔副使

項守禮立

大銀臺坊 縣東九十步嘉靖間為通政戴璟立

奪錦坊 縣東一百步宏治間為舉人汪惠立

流芳坊 縣東一百二十步亦為汪惠立

經魁坊 縣東二百步正統間為項愨立

登科坊 縣東二百步宣德間為項怡立

大侍御坊 縣東二百步嘉靖間為王杏立


恩承天寵坊 縣東二百步萬曆間為誥贈鄔孟震

徽州知府鄔元會立

蜚英坊 縣東一里天順間為舉人章英立

肅憲坊 縣東一里為按察司僉事應瀚立

瓊林春色坊 縣北五十步宏治間為進士宋旭立

奉化縣志  卷十四 古蹟志 坊表 三

已上諸坊俱在城內舊有宣化坊新民坊止善坊在縣前又有輔德坊通和坊等為城樓舊址今俱改作故不及載

大司成坊 縣東一里為祭酒戴洵立

閩淮都運坊 縣東一里為都運使陳楠立

福甯坊 縣東二里

嘉慶坊 縣東三里餘

永平坊 惠政橋東

永康坊 善政坊 俱惠政橋西

雙桂坊 縣東二里宋乾道爲王時叙王時會兄弟
建至元十三年兵燬皇慶二年達魯花赤木八
刺重建後又燬

重桂坊 縣東二里嘉靖間爲王時叙子王宗道立
選元坊 縣東三里嘉靖間爲高州府同知張城立
進士坊 縣東三十里爲周濟可立

經魁坊 縣東三十里爲舉人周濠立
釋褐狀元坊 縣東北三里嘉定間爲何大圭立屢
圯屢修今又圯

奉化縣志

卷十四

古蹟志

坊表

三三

朝京坊 德星坊 俱縣東北四里

延壽坊 縣東北四里皇慶二年重立今圯

集賢坊 縣東北八里正德間令陶麟爲舒氏先世

科第立

廷平坊 縣東北八里爲大理評事舒廷謨立

觀光坊 縣北三十里爲舉人竺晏立

進士坊 縣北三十里爲竺淵立

忠節坊 縣北三十里爲福建叅政竺淵立

雙躋榮壽坊 縣北三十五里萬曆間爲諧封知府

鄔文旦立

文秀坊 縣北四十里為舉人馬鉦立

青雲聯步坊 縣北二十里為刑部主事孫勝立

司直坊 縣北一里為國子監丞宋佳立

司諫坊 縣北一里為工科給事中徐維超立

登科坊 縣北一里為徐維超立

繡衣坊 縣北一里為御史陳璘立

經魁坊 縣北二里陳璘立

一椿四桂坊 縣北二里為貢士劉鐔劉汲劉淮舉

奉化縣志

卷十四

古蹟志

坊表

三

人劉河劉漢立

進士坊 縣北二里為兵部侍郎宋琰立

丹桂秋香坊 縣北三里為宋旭立

經魁坊 縣北三里為宋儒立

臺憲坊 縣北三里正統間為僉事宋儒立

躍龍坊 縣北三里為宋暄立

亞卿坊 縣北三里為兵部侍郎宋琰立

奎光坊 縣北三里為宋昂立

雲錦坊 縣北三里為宋璧立

紫薇鄉 縣西北八里為雲南左布政使應履平立

經元坊 縣西北八里為應履平立

天官里 縣西北八里為吏部郎中應履平立

登雲坊 縣西北二十五里永樂間為汪宏海立

桂林坊 縣西三十里為江述立

進士坊 縣西三十里為江淵立

總憲坊 縣西三十里為侍御史江勛立

柱史坊 縣西二十里為御史江純立

鳴陽坊 縣西四里為應瀚立

奉化縣志

卷十四

古蹟志

坊表

三五

進士坊 縣西三里為應瀚立

擢桂坊 縣南一里為施瑾立

青雲坊 縣南一里為沈鏐立

晝錦坊 縣南三里為御史曹習古立

登陸坊 縣南五十里在鮎埼宋丞相葉夢鼎書今

毀

登第坊 縣南五十里為許泉立

文魁坊 縣南六十里為胡塘立

甲魁坊 縣南六十里淳祐間為進士王漢英立叅

知政事應繇書今廢石柱存

進士坊 縣南八十里宏治間為王喆立

恩光坊 為太平節推王文葩立

司馬中丞坊 為贈兵部侍郎王訓立

恩薦坊 為貢士王釗立

應宿坊 為萊陽知縣王祐立

拔萃坊 為貢生王希文立俱縣南八十里

墳墓 昔董相墓在長安過者下馬致敬而徐南

州劉屯田之墓郡守為植松樹碑立門牆而禁

奉化縣志

卷十四

古蹟志

墳墓

三

樵牧是故其身雖沒而名則芳若桓魋之藏則有取琴而歌者矣嗚乎善惡不同歌弔亦異流芳遺臭萬世常存人可不知自立哉

周計然塚 在縣北三十里名計然村 按計然蔡

邱濮上人姓辛氏字文子越王句踐困于會稽之上乃用計然

茅將軍墓 在縣北九十里清涼山

唐銀青光祿大夫王敬玘墓 在縣西南六十里萬

竹嶼俗名鶴窠延祐四明志萬竹嶼有人耕其

旁得小方碑戴敬圮出自瑯琊官于明州天祐二年歿葬于此

奉化令宋嗣宗墓 在縣東北十里各山石人輿

朝散大夫王知蘊墓 縣東北松林鄉白水原

御史中丞杜勝墓 縣西北禽孝鄉日嶺山

司勳員外郎阮詵墓 縣東北奉化鄉建城里南

山東原

宋奉國軍節度使錢億墓 在縣西三里乾德五年

卒葬於此戶部尚書崔仁冀奉勅銘墓

奉化縣志



卷十四

古蹟志

墳墓

三

大理評事樓郁墓 在縣東南八里龍潭山赤城

羅公適持節過墓下植檜四本為文致祭而去

袁正肅公書墓道扁曰慶厯鄉先生正議樓公

墓

元祐鄉先生王奕墓 縣東南十里桃花嶺今子

孫居衙後

金紫光祿大夫蔣浚明墓 在縣北十里三嶺山

中奉大夫蔣璿宣奉大夫蔣琬祔

國子鄉先生李中墓 縣西十五里日嶺山子李

達耐

安撫使薛居實墓 縣東南六十里貌頭山郎中

薛揚祖通判薛師魯州判薛闡耐甬上耆舊傳

居實字去華知衡州朋龜之子也歷官淮東安

撫使直祕閣卒於揚州

宣議公舒卞墓 縣北十里石人村

平湖先生趙敦臨墓 縣東南十里南山承議黃

子春撰墓誌

奉議郎黃仁儉墓 縣西南萬竹嶼察廉岡

奉化縣志

卷十四

古蹟志

墳墓

三

進士王宗道墓 松林鄉登山之原

通判端州軍事童大定墓 在龍潭山子居善耐

宜州通守文靖公舒璘墓 縣西四十里康家嶺

眠狗山

太師趙善湘墓 縣西北十五里銅山

節度使馮湛墓 亦在銅山

復州團練使趙汝擢墓 在禽孝鄉倪山

朝議大夫舒黻墓 縣東北十五里各山

戴剡源先生祖墓 在張村之長錫畧

魯國公余天錫墓 縣北十里西圃山

尚書余晦墓 在黃泥山按晦係余天錫從子

孝子袁鎮墓 在棠輿

戶部侍郎陳肖孫墓 縣東九十里黃賢山

丞相文節公魏杞墓 縣西三十里溪口山

忠節舒瀛墓 縣東二十里廣孝輿駱駝山

雪牕居士張良臣墓 縣西三十五里白巖山

大理寺卿舒滋墓 縣南四十五里鮎鯨嶺南左

進士舒夢刀墓 縣東二十里福泉山

奉化縣志 卷十四 古蹟志 墳墓 三

徽猷閣直學士樓昇墓 在金鐘鑿山沿海制置

使樓璩附

大學博士舒津墓 縣西二十里藥師寺前

承直郎曹孝先墓 在禽孝鄉下楓潭

修武郎李侑墓 在寶化山以已資造寶化院又

置田地山若干畝授僧管業歲供香火

元剡源先生戴表元墓 在張村

安定書院山長任士林墓 在松林鄉雷公山

明拾遺戴德彝墓 謝志在縣西南四里許家輿項

志劉志按舊志以許家舉之墓竟爲拾遺公墓
恐未必然拾遺死靖難時與兄弟德禮德祐俱
畢命聚寶門外時禁方嚴安得歸葬首邱則此
墓乃其祖父之墳非拾遺墳也觀斐君先生招
鶴篇及愚齋先生義婦傳則三魂未歸而骨肉
之散處者多矣嘉靖間周公光鎬訪拾遺舊蹟
得北門戴姓指點此墓官爲致祭以北門戴姓
世世拜掃不絕也今與東門戴氏同祭此墓乃
知拾遺之宗系自遠而忠魂自與天壤不朽矣

奉化縣志

卷十四

古蹟志

墳墓

罕

兵部侍郎宋瑛墓 縣西北十里日嶺山

侍御項愨墓 縣東五里伏兔山

布政使應履平墓 在日嶺山

運使陳楠墓 縣東南奉化山報國寺後

順天府丞戴澳墓 鄞邑東湖

國朝贈中憲大夫宋道充墓 城北應家山

光祿少卿宋之鉉墓 縣西十里城西畧半月山

雜志

志者有其事而志之者也惟其有裨於世教文

獻足徵焉已矣故既以類相從而彙之其有不
可以類分者舊志有紀異存古二編而統之曰
叙遺又謂之雜志今仍其例用舊文也

禳祥志 春秋記災記異不記祥記災以示驚也
記異以防災也不記祥以戒淫也故水旱霜雹
蠛螟之類必書所以重民事憂無年也嗚呼使
長是邑者未災而知謹既災而知禦將一方受
福甯有既歟

唐

宋

無考

奉化縣志

卷十四

雜志

禳祥

四

元

至正庚寅奉化州山石裂

見元史

明

洪武中嘉瓜瑞麥生

見知州李樞
去思碑記

景泰丙子大饑餓殍載道

成化丙午大水

宏治乙丑地震

正德丙寅正月民間訛言妖雉至每夜人各持兵
器火爐以備之

戊辰六月至十二月不雨禾黍無收民皆採蕨聊
生

戊寅七月大雨連日洪水壞民田廬舍
庚辰地震

嘉靖丙戌夏大旱蝗起禾稼無收

甲午七月大疫大風拔木水湧山澤盪田地廬舍
漂溺男女不可計數又大饑

萬曆戊子大饑

甲辰十一月地震箱環自鳴

奉化縣志

卷十四

雜志

禮祥

四三

辛亥六月大雨遍處山崩壞民居址 是年十月

朔日半夜東南彗星出現約長三四丈其色白
其形如關刀日出漸沒十餘日乃止

戊午七月初大水壞民廬舍溺死男女不可勝紀
秋冬彗星現半載餘乃止

崇禎丁丑大饑小溪新岬等處有山其土白色人
皆掘而食之曰觀音粉亦異事也

戊寅地震聲聞數十里

國朝

順治己丑大饑餓殍載道

康熙庚申異星見西方亘中天月餘

辛酉蝗食禾稼秋冬無雨城中井乾汲水龍溪鄉人用米易水

壬戌大雨雹邑自銅山至屏山壤禾稼二十里

紀遺

王濂唐朝散大夫越州諸暨縣令文德元年卒葬縣治之西北曾孫文亮字昭遠宋龍川令贈尚書刑部侍郎以子周貴也其先晉丞相導十六世孫儉

奉化縣志

卷十四

雜志

紀遺

四三

爲唐正議大夫勅明州始去長安之萬年爲明之奉化人大夫之兄曰濂濂生紳紳生韶韶生文亮四川咸爲縣令

戴良字叔能浦江人以文章知名元季亂晦跡于四明山洪武初徵至京以疾固辭卒於寓

土產奉化之鮑袁村之魚鮓星嶼之江瑤霍鼠之香螺古人以爲美而形容之歷年旣久所業不同所產亦異罕有此矣

郭植唐文宗開成中官大理少卿

徐戡唐宣宗大中中官湖州長史

樓茂邨天祐中知明州軍事押衙兵馬使充黃檗隘
將開平三年吳越武肅王賜以墨制稱本官素精
武藝夙蘊壯圖既窺黃石之兵書洞曉白猿之劍
術撫綏而黎庶咸安嚴毅而雄驍奉法云

謝獻子宋慶元間知蘄州軍事兼內勸農使救命尙
多存者

孫伯顏 暨思正俱明初祥符縣知縣立以課最荷
太祖褒獎鄉人榮之

奉化縣志

卷十四

雜志

紀遺

四

已上仕宦其發身之途皆不可考而舊志載其名
蹟

王子震字伯起宋淳熙中由新恩授承信郎叅注兩
浙轉運使運幹

王亨羅字仲賓元時由明經授揚州府學學錄俱見
永樂志中

袁新字明應淳祐十二年省元

袁得之字孟深鎮長子登進士第授石康縣令

袁清之字仲素麗澤書院山長

袁澤之字季厚稽山書院山長築逍遙臺于居側袁公桷有逍遙詞

袁泳之本州直學

袁恡字太初仙居學教諭

已上舊志俱載拾遺例下今不敢沒

崔𡑦范陽厲氏墓誌父鐸皇明州象山縣令兼宰奉化適穎川陳氏當州押衙主雙溪鎮事天復四年卒於松林鄉朱溪里私第葬當鄉袁村堡

唐右拾遺孫郃誌壽王府諮議叅軍王府君夫人呂奉化縣志

卷十四

雜志

紀遺

四

氏墓云夫人河中呂氏適叅軍知蘊長男慎微處州長史次男昌禹監州從事御史裏行天祐四年葬廣平鄉驪子呂氏世居河中與延之近屬曾祖王父林楚州錄事叅軍父倫任壽之霍邱令七舉不利文赫于時耽味山水遊從四明至奉化又愛之奉化館有瑯玕亭南有儒之故宅池沼林亭郡山四面繞之因家焉

四明琅琊王府君超葬蒿溪里墓誌紀年皆書甲子獨云寶正二年遷勾押官按十國世家吳越無稱

帝改元之跡獨封落星石制書稱寶正六年今以墓誌攻之屬郡嘗奉朔矣豈未稱帝耶史官諱之耳

酉陽雜俎僧太瓊者開元中講仁王經于奉化京遙村今莫詳其處

老學菴筆記僧行持高高行明州人住雪竇頌曰大樹大皮裏小樹小皮纏庭前紫荆樹無皮也過年四明圖經奉化縣烏峯臨溪其石五色似花鈿

雲林石譜明州奉化縣諸山大石中每擊取之卽有奉化縣志

卷十四

雜志

紀遺

奕

平面石色微黃面稍潤扣之無聲其紋橫裂兩道如細墨描寫一帶夾徑寒林烟露濛朧之狀或濃墨點染成高林與無爲軍所產石屏頗相類

宋承恩一名見善北山人自少任俠好讀書擊劍重然諾輕施與四方英俊樂與之遊吏隱于元爲公棠巡宰時方谷珍據有慶元求婚其子恩以女妻之屢說谷珍降於明太祖曰免致生靈塗炭且可保富貴無虞也谷珍不納恩忿然義形于色因帥司兵集里中少壯攻之谷珍發兵迎敵遂遇害

宋信禮信義之弟博通經史惇行孝義雖布衣文行雅重公卿間子原用領鄉薦受父庭訓未嘗就外傳所著雞窻集二十卷藏於家

舒模宋理宗朝忠節舒瀛子因父死寇難廢迪功郎逸事 逸事之紀志之餘事也其有紀述未能詳義例無所屬者盡彙於是編自野史稗官以及叢談瑣語凡有一言一事可以資博洽廣勸懲者採而輯之

〔唐宏文學士虞世美西山寺記〕元和初溪流泛漲有奉化縣志

卷十四

雜志

逸事

四

僧持鉢浮杯而度步入山中常有神彩晝現異香數里人皆神之遂往瞻禮見有數虎跪伏相向僧方洗鉢澗下復坐石上衆禮之既僧忽不見視石上乃有足跡有遺錫自然飛起若電光卓立前峯孝感山故老相傳昔有人喪父廬其墓左哀毀骨立甘露降于庭故名唐王滾墓碑云子屯田員外郎紳葬孝感山宣和中學士黃棠撰樓昇神道碑云葬於孝感山卽其地也

〔唐相牛僧孺錄〕開元中道士葉靖能講經明州奉化

縣興唐觀有救龍之異見仙釋下

延祐四明志虛白觀有三清像制度精巧老君像袖中有一蛇長數尺潔白如玉隱現不常

舊志昔董氏女未笄刺繡南窗二燕集其上女日飯之編竹以護其巢乳子羽翼成而去明年來女字之如初歷三歲燕去女死又明年燕復來飛遶悲鳴不已女父母告之曰女已死塚在屋側俄二燕去三日不歸翁媪往視女墓側二燕伏死塚上邑人異之故名其鄉曰禽孝

奉化縣志

卷十四

雜志

逸事

四

蘆浦筆記四明奉化縣凡七鄉皆有一管名如曰廣平松賢履信鳴鴈黃甘嵩溪靈泉棲鳳里處未聞也

明化院卽今明化寺有僧不知所從來自言能塑大士及成俯前六尺眾疑易仆僧升像距躍者三屹然不動酬工直不受竟失所在

清異錄居士李巍隱於雪竇山畦蔬自供不設五味人問巍日進何味答以煉鶴一羹醉猫三餅下山問所親曰此清饑道士旦暮必以菜解

雙槐歲抄四明陳樞嘗作宋鑑綱目筆其先世曰戶部尚書顯者嘗論蔡京之奸不復仕顯孫曰戶部尚書伸上章辨僞學諫韓侂胄北伐遂致仕伸子曰工部尚書德剛請復濟王官爵端平中左遷而卒德剛子曰太學博士著上書論賈似道奸邪出判臨安府樞卽著之孫也

舊志徐馬站地名相傳御蹕到此有徐姓小兒值站帝

出對云七歲孩兒當馬站兒卽對曰萬年天子坐龍庭帝喜問小兒汝何所欲對曰所欲對曰所愛者雞籠頂屋耳遂勅建雞籠頂屋因此名徐馬站今僅其傳事不知蹕遊何帝小兒何名也

奉化縣志

卷十四

雜志

逸事

兇

舊志毛于廷召門人洪武間以薦赴闕廷受勅諭太

祖問出來馬來耆老對出來太祖微吟曰出入金陵景若何于廷對曰五雲瑞氣壯山河龍樓曙色天光曉鳳閣涼風秋氣多太祖曰秋氣多恠我太殺了廷復對曰朝覲人行朝覲路太平民唱太平歌讀書不負男兒志願效當年馬伏波太祖大喜卽授爲辰州知府時邑中同對者七人有鄭天錫

亦授揚州知府胡煥章授膳部主事餘俱授八品官

崇禎末奸民胡乘龍謀作亂聚衆於雪竇山自稱天
萌國大將軍分布黨羽刻期待發爲其黨所告太
守陸自嶽討滅之

國朝康熙間新嵎胡雙奇龔萬里等聚衆大嵐山先
犯石門有毛嘉仙者率本族人與之力戰賊敗去
邑令曹鼎臣聞其名命率毛氏族隨大兵追之搗
寇巢穴殲其衆走胡雙奇斬龔萬里大嵐以平郡
奉化縣志

卷十四

雜志

逸事

三

守邱公業嘉之令改名岳靈取山岳鐘靈之義也



